

պատուէին զառաքեալն և զըվարդապետն և զերկրորդ լուսաւորին:

Եւ Ահարոն տարածեալ զձեռս և հայեցեալ յերկինս, աւրհնէր զառաքողն և զառաքեալն՝ զարւողն և զընդունողն, և ընդ նմա համաձայնեալ հաւտք և հովիւք՝ ծերք և տըղայք, երիտասարդք և կուսանք՝ տային աւրհնութիւն լուսոյն աշխարհի որ լուսաւորեաց զմեզ ի ձեռն մեծին Մեսրոպայ [Թղ. 15^ա]: Եւ ինքն Ահարոն բարձր ձայնիւ՝ շնորհակալութիւն վերառաքէր ասելով:

Աւրհնեալ ես Հայրն բնութեամբ և շնորհաւք, գովեալ Որդին բնութեամբ, և պարգեաւք բարեբանեալ ես Հոգիւ Սուրբ էութեամբ և ողորմութեամբ, եռակի գոյութիւն և եզակի բնութիւն, ինքնավառ ճառագայթ, եռ և մութ, և մութ և եռ, երեք սուրբ և մի Տէր, երեք լոյս և մի լոյս, երեք Աստուած և մի Աստուած, ոչ ներհակք և ոչ նախ և զկնի, և ոչ առաւել և նըւազ, և ոչ իշխան և իշխեցեալ, այլ հաւասար ամենայնիւ, բարի և բարէրար, մեծ և հզաւր, իշխան և թագաւոր, Տէր, և Արարիչ, Աստուած ամենայն յամենայնի, ծանաւղ և անծին, ծնեալ [և ծնեալ] և ծնող, բխեալ և բղխումն և բղխող, Գոհանամբ զքէն, որ էնդ և եսդ և էդ, որ ոչ միայն կառուցեր զմեզ՝ այլ և կառավարես: